

苗防備覽

卷九 風俗下
卷十一 營汛

卷十 師旅

ル 5
842
4




門名5
號 842
卷 4

苗防備覽風俗考下

永保土人風俗

故文學士川正禮君紀念



故文學士川中正君信

永保土人之地重崗複嶺陡壁懸崖按壤諸崗又連漢地苗土雜

居男女垂髻短衣跣足以布勒頭喜斑斕色服重耕農男女合

作喜漁獵食糲信鬼巫病則無醫惟椎牛羊師巫擊鼓鈴卜竹

善以祀鬼言語侏僂不識文字凡有誓約以刀畫竹數道為券

婚娶同姓不禁以牛布五穀為聘娶所居必擇高峻履險陟嶺

捷足如飛運帶食物以背駝之約繩於膊偃偻而行恒帶弓弩

長鎗自歸流蒸陶

雅化賣刀買犢鮮往時鬪狠之習矣

苗防備覽風俗下 卷九

明治三十七年二月廿日

紀念室附石

氏寄贈

土民雖輕生好鬪而樸拙淳直多淫祀所奉之神梅山雲霄諸名
為民地所不知每歲三月殺白羊擊鼓吹笙以祀鬼四月十八
七月十五夜祀祖九月九日合寨宰牲祀重陽以報土功十二
月二十八日夜祀祖名曰祭鬼禁聞貓犬聲稼穡而外不事商
賈本寨數十里之外輒為足跡所不至稀至城市賦歛至輕每
託保正甲長爭先輸納男耕女織不事奢華頗有古風云

土人刀耕火種日食雜糧所種以小米糜子為主稻穀多仰給永
定衛太庸所兩處山冲中頗有水田不甚種稻穀即種亦不知
耕耨近日司牧者教之耕耘輒欣然聽信子弟資質亦秀教之
讀書其聰穎不遜漢人又知畏敬官長遇官府至村落咸羅拜

於馬下送茶及酒盤盛熟雞子跪而獻之稍為飲食乃喜或有
事傳呼及期而至無漢人狡詐之事亦無苗寨悍惡之風其醇良
易治非內地所能及也

土俗各寨有擺手堂每歲正月初三至初五六之夜鳴鑼擊鼓男
女聚集搖擺發喊名曰擺手蓋祓除不祥也

土人言語呢喃難辨近開闢漸久能道官音者十有五六其方語
稱天曰墨地曰理土亦曰理人曰那鞞日日磽月日舒舒雲日
麥浪翁霧日所怕風日熟暑大雨日墨者細雨日墨者喧下雪
日舒舒者大山日卡斜小山日卡斜鼻水日轍河日受路日喇
池日熊節田日細列格火日米燒水日米那鞞巖日什體各落

哄火曰土烏熱曰古冷曰撒樹曰卡木柴曰卡物竹曰猛花曰
卡帕吃酒曰喇兒坐曰猛背官曰夸民曰馬那祖曰布帕祖母
曰帕八父曰阿把母曰阿捏伯曰阿取伯娘曰捏取叔曰阿卑
嬌娘曰阿蟻兄曰阿科翁曰阿米姊曰阿大妹亦曰阿米子曰
必媳曰帕女曰必物外祖曰卡公外祖母曰卡布夫曰那剋把
妻曰那剋假力閨女曰補遂作揖曰戳咱暗頭曰卡打背頭
曰卡打眼曰落布翁曰落布須加鼻曰養起面曰骨口曰哲齒
曰是是舌曰亦臘鬚曰喇帕耳曰甕切手曰潔掌曰絜裡皮胸
曰歷科冲肚曰阿拱足曰騎好看曰察裏家醜曰奚臘笑曰捏
哭曰齊水牛曰苑黃牛曰坳坳馬仍曰馬羊曰弱猪曰止狗曰

哈裏虎曰力猴曰額剋雞曰匣魚曰送鴨曰撒鶯曰壓碗曰切
背杯曰切背背箸曰補止鍋曰踏枯桌曰席斝椅曰科椅凳曰
尖及一曰腦聾二曰捏聾三曰梭聾四曰惹聾五曰五聾六曰
鶯聾七曰泥聾八曰節聾九曰格聾十曰墨聾一百曰那且屋
戳金曰翁可銀曰我銅仍曰銅鐵曰寫錫曰言鹽曰臘布油曰
設是醋曰奚扯穀曰力布米曰哲肉曰實帽曰毛衣曰西八袴
曰枯被曰夕納鞋曰戳歇襪仍曰襪扣子曰西八布擗帶子曰
麥肉臘欠債曰拖書曰亦讀書曰赤禿寫字曰赤赤鴨活曰赧
跛大死曰赦胡說話曰煞力相打曰打偕青曰浪夾藍曰信夾
紅曰米納節黃仍曰黃白曰阿使綠仍曰綠不知曰哈太睡曰

列起曰佳

永順各鄉在土司時爲五十八旂曰辰利東西南北雄將能精銳
愛先鋒左韜德茂親勲策右畧靈通鎮蓋心武敵兩星飛義馬
標衝水戰湧祥龍英長虎豹嘉威捷福慶凱旋智勝功以七字
爲句每一字一旂共五十六字爲五十六旂後添設請謀二字
共爲五十八旂此外更有戎臘鑲苗米房吹鼓手六旂伴備七
旂長川旂散人旂總管旂旂各有長管轄戶口分隸於各州司
而統屬於總司有事則調集爲軍以備戰鬪無事則散處爲民
以習耕鑿今割南北兩旂之地歸桑植將辰東雄將銳愛鎮武
標戰龍威各旂之半並先鋒韜茂策通蓋飛馬勇祥虎捷慶旋

勝等旂歸龍山其在永境者則辰東雄將銳愛略鎮武標戰龍
威各旂之半并西能精德勲靈忠敵星義衝水英長豹凱智功
各旂也又福字一旂則係官土宗族散處各鄉今分屬永龍兩
邑

保靖土司嘗設虎豹廣智謀勇威驅彪勝親利飛良先鎮共十六
鎮共一統其居民歸流之後虎旗爲一都豹旗改爲二都
廣旗改爲三都智旗改爲四都謀旗改爲五都勇旗改爲六都
威旗改爲七都驅旗改爲八都彪旗改爲九都勝旗改爲十都
親旗改爲十一都利旗改爲十二都飛旗改爲十三都良旗改
爲十四都先旗改爲十五都鎮旗改爲十六都改流後諸旗悉

照內地里甲編定而相沿已久至今居民相稱猶有語某人爲某旗者

永保土人耐勞習儉勁勇善鬪沿邊苗寨俱供役使卽上下十里及鎮算生苗時亦分段令永保兩宣慰担承故苗雖獷悍於土家不敢輕犯自宋元以來有事苗疆土官無役不從搜山焚箐輒用土兵當先蓋亦以夷制夷之意云

永順土司地廣於保靖歸流時設永順龍山兩縣保靖雖幅員稍狹而地險兵勁足與永順相抗往常弄兵穴鬪又嘗與永順爭管上六里苗寨有司以保靖距苗寨近常令屬焉故保靖沿邊之苗較永順爲多而其風亦爲稍悍

永順之功全冲正西英田家羅衣箐保保之四都五都六七八等都多爲苗人寨落爲土官招徠安插使之捍禦以備籓籬者畏法敬官非連界各紅苗桀驁難馴者可比然本從三廳遷入風氣勁悍心貪多疑蓄髮不剃出入常帶刀鉞則與三廳不甚相遠也

永保苗人與永綏乾州毗連各寨去縣治絕遠者係生苗其去保靖縣治與古仗坪稍近如哄哄寨之屬則雖係苗種落沾化日久別號曰土蠻邊徼有事頗得其力征苗時誘擒首逆石三保等俱土蠻潛報官軍擒捕至其好祀青草鬼忌帶青草入室剖竹爲契血誓爲信則蠻苗固無區別也

羣苗衣服多用靛染黑猶永土蠻男婦人等頭上皆包白布燕會
往來習以爲常又松銅之間有一種苗人服飾頗潔喜穿白布
衫婚嫁慶賀皆服之以爲美觀苗疆中有白蠻其殆此種與往
時保靖知縣王欽命嘗嚴示曉諭孝服之外概不許用然習俗
相沿終不能禁

瀘溪乾州犵狓風俗

瀘溪犵狓居上五都之大章小章大西老烟竹坪下五都六保之
洞廷山等寨及乾州之下溪口鐵枕巖把布把金上下百戶各
寨共計寨落百數十處其民非苗非土蓋別爲一種類也張姓
人極衆符姓次之其他覃楊謝劉各姓皆零星雜住相傳宋時

有江西章姓兄弟二人爲屯長居此落業子孫繁衍其出自兄
者爲大章出自弟者爲小章後改章爲張由大小章分支而出
散居於永順保靖永綏間者平扒丫家茶洞老旺寨尖巖等處
爲多大約入贅彼地遂仍其俗在土村爲土民在苗寨爲苗人
而張姓總皆大小章苗裔慶吊猶相通云
犵狓往來浦市瀘溪經商貿易者能言客話與外人無異居村寨
中未嘗至城市者則專爲土語又其自相問答俱不作客語其
稱天曰板圍稱地曰府都稱人曰靈稱天晴曰凱稱風曰急稱
雨曰浪顰呼雲曰皮亮呼山曰補呼上山曰留補呼溪曰夯屋
呼路曰回勾呼田曰籽菜呼地曰納呼茅屋曰背楚呼瓦屋曰

補瓦呼木曰蓋頭呼竹曰蓋腦小官曰躬貴大官曰聊貴呼兵
曰曹呼客民曰凱靛呼苗曰雙呼祖曰阿怕呼祖母曰阿屋呼
父曰阿麻呼娘曰阿奶呼伯曰阿波靛麻呼叔曰阿幼呼兄曰
阿古呼弟曰阿已呼姐曰阿亞呼外祖曰家公呼外祖母曰家
婆呼妻曰屋呼夫曰保呼媳曰妹呼子曰得呼女曰得怕呼朋
友曰把那自呼曰唯呼人曰穆呼說話曰烏耍呼寫字曰隨紙
呼討親曰覓處呼嫁女曰張得怕呼有喪曰抬來呼葬曰惱來
呼祭神曰扯鬼呼請客曰請納凱呼頭曰扯北呼耳曰蓋謀呼
眼曰蓋眉呼口曰蓋撈呼手曰蓋葡呼脚曰蓋達呼肚曰蓋體
呼看見曰泡載呼不看見曰更迷載呼好曰肉樣呼醜曰窄樣

大呼肥曰脹呼瘦曰柴呼睡曰躡呼走快曰撇得尙呼走漫曰撇
得粟呼過水曰投屋過船曰投隘呼黃牛曰泥抬呼水牛曰泥
屋呼老虎曰沼呼馬曰美呼騎馬曰藏美呼猪曰陪呼雞曰艮
呼狗曰果卉呼錢曰成當呼銀曰昂呼銅曰塘呼鐵曰羅呼布
曰臺呼背籠曰果索呼打鼓曰扒緲呼打鑼曰扒老呼烏鎗曰
銃呼刀曰解毛靛呼戩曰替昂呼稱曰替呼鹽曰納呼油曰阿
撒呼火曰婁臺呼燒火曰抵臺呼天冷曰才靛呼天熱曰回呼
小米曰搓糧呼大米曰搓謀呼糯米曰搓茂呼吃飯曰囊裡呼
吃酒曰叶呼吃茶曰旗靛呼吃肉曰囊芽呼帽曰蓋幕呼戴帽
曰頭蓋幕呼衣曰亞呼靴曰窠呼褲曰正卡呼升曰賞呼斗曰

音階倫屬條 卷六
戴呼過年曰貫者呼上曰留芥呼下曰落芥呼高曰率呼低曰
綏呼殺人曰打來呼搶物曰皮賴呼相鬪曰厮拚其土語鈞輒
桀格大類烏音外人不能知其一字故驟遇接談未有不疑爲
苗彼雖分辨亦無由曉也

犵狫無苗寨打冤家惡習而以打牲爲常其人至八九歲輒學鳥
鎗鐵匠皆自傳習製造甚精鎗子能洞至二十餘丈視苗中鳥
鎗所及更遠大章小章煙竹坪皆數百戶村大人衆羣苗畏之
竊牛者經過其地遇犵狫見之輒棄牛逃去雖晒金塘三岔坪
沿邊大苗寨往往不敢與競非苗寨中傾巢爲變力足抗制

大章黃泥村竹坪畧寨把布把金各村在高山界所種惟苞穀粟
米雜糧小章煙竹坪茅坪灣水一帶頗有稻田然洞水寒冽泥
腳深厚氣候較外間稍遲大約天氣愈亢陽則彼處愈好田多
軍籍往時彼處爲屯兵故尚仍其舊

犵狫生計苟簡得鹽魚以爲珍味担土物至浦市者必易數斤歸
亦知釀酒客至其家取雞用木棒對客打其頭以示敬魚亦用
木棒打之居住多茅屋富厚之家間用瓦磚封砌而規模狹隘
豕牢牛欄同在一處火牀男婦共坐眠則風之近於苗者

犵狫各寨地高氣寒與永綏相似秋冬之間霧氣漫瀾咫尺莫辨
卓午始見日光男婦俱耐寒隆冬只衣單袷行走風雪女人穿
花摺裙不着下衣間有知刺繡者花紋粗疎與苗錦無異

苗民傳覽風俗
卷九
犵狫性好小利升粟分文必爭又尚氣不相下睚眦必報黠者聳
愚構訟嘗因田土界址訐告不已鼠牙雀角之獄不絕於邑每
為胥吏所中飽是在良司牧善為開導也

明時沿邊設二十四營哨每哨募播凱數十人播為遵義諸府土
民凱則大小章人也耐勞習險跣足行巉巖中往來如飛稍結
恩信輒出死力相助故自來邊徼有事嘗募以為軍鋒明嘉靖
時與永保土兵同調征倭王江涇之役大著戰功

犵狫中童子聰秀者讀書識字畧解文義書狀能自作敬官府無
抗吏拒捕之習國課知早完所祀神有楊公廟者在烟竹坪水
旱疾必禱禦苗亦必虔祀其廟延土巫打木筊以決吉凶其畏
懼此神不啻苗中之白帝天王也

下溪口茨冲鐵枕巖各寨沿沱江兩岸住者從洞河中放木筏駕
小船灘溶甚熟不畏波濤又有溪自巴斗山發源繞楊郎寨灣
水而下至能灘之上小船運載亦可行數十里故其人習水者
多也

猺民風俗

永保三廳之間曰苗曰土蠻曰犵狫無猺也芷江西溪土民稱之
曰猺而實為峒苗詳見明史中思州鎮遠苗民外有黑犵白犵
各種大約與瀘溪下五都同俗其在辰溪之七都淑浦之麻塘
山黔陽之羅翁山綏寧之爆木岡邵陽之東山城步之石灰寨

武岡之白茅岡繞八面山居者皆爲猺人雖不若苗之悍惡而種類亦繁其地與苗疆相毗連亦防範之所及者也

附其風俗於後

猺依山而居食多雜糧飲溪水以解渴與苗俗相類其雜居民間者服食居處多與民同

猺服男子今皆薙髮雜以小花帶織成辮更有大花帶裹之無大襟自胸以下更用搭包掩護跣足兩脛間纏花布或着紅藤草鞋女子穿耳重環髮從中分用花帶作兩辮垂額婦人加髻於前衣服較男子畧長斜領直下繡花爲飾老少皆跣足冬夏皆單衣故常偃僕風雪中

猺言與苗言不同其呼天曰昂呼地曰列呼日曰聽呼月曰他呼星曰扛呼風曰康稱雲曰假合呼雷曰抹呼電曰歛呼雨曰鏗呼露曰當鹵呼霧曰烏合呼霜曰滓核呼雪曰兵滂呼春夏曰動盪呼秋冬曰動鞏呼山曰補野呼土曰假功呼水曰糠呼父曰罷呼母曰嫚呼祖父曰抱呼祖母曰抱嫚呼伯曰庇呼兄曰老奄呼翁曰老爺呼妯曰哥呼妹曰了鬼呼夫曰紀男呼妻曰嬰呼兒曰當呼女曰嬰呼孫曰當省呼妻父曰搭呼妻母曰度呼妻兄曰了怨呼妻翁曰當怨呼人曰鬼呼老人曰果男呼生子曰董當呼死曰擡呼葬曰乃呼開路曰送亡呼娶妻曰少領呼嫁女曰了嬰呼髮曰綆庇呼着曰給庇美呼鬚曰庇爾呼眼

曰郎扛聒呼鼻曰郎孔標呼口曰郎假呼耳曰郎假爸呼指曰
後當剛呼指甲曰後骹呼掌曰郎把浦呼臂曰給賽呼脚膝曰
郎抗几呼脚肚曰郎撇骹呼脚背曰鼓碌呼脚板曰郎把碌呼
打曰冒呼相罵曰打免呼相殺曰打嚏呼屋曰別窩呼燒屋曰
扛跛呼打劫曰冒客呼統曰袍呼冒曰卵呼衣曰拗呼袴曰考
呼裙曰橙呼裹脚曰介筒呼穀曰啞呼米曰助呼飯曰餒呼菜
曰味呼酒曰沼呼茶曰已呼肉曰巖呼煙草曰霧呼盃曰襪呼
否曰餞呼鍋曰動穩呼鼎鍋曰降呼箸曰擣呼馬曰哧呼牛曰
峴呼雞曰介呼犬曰亮呼猪曰面呼猫曰當聽呼吃曰囊呼飲
曰號呼火曰倒呼向火曰裸倒呼橈曰給懈呼棹曰給套呼牀
曰給總呼被曰抱呼睡曰背呼行曰詣呼路曰果餘亦有與漢
音同者

獠性淳樸與人約必踐鮮爭訟無讐殺攫人盜竊牛馬諸惡習畏
其團總甚於官長或偶然蠢動非團總招主強奪其土地汚辱
其婦女奸民乘間誑之以利迫以饑寒怨怒積於中必不敢也
杜漸防微是在有司之嚴馭團總招主

獠人就學者少間有一二應試舉止樸魯文亦如之司衡者寬取
以鼓舞之秉鐸者善誘而開導之未必盡不可化也

獠農所植芝蔴粟米麥豆包穀高粱蕎薏苡諸雜糧刀耕火種三
四年後輒棄而別種數年後地力復則仍墾之兼種茶種漆或

質民土耕作者歲入雞一隻漆一盃茶一二觔以爲常有林木則爲山主守之

獠民入市惟將畜牛馬豕鷄犬之屬售以獲利口不二價不立契券以圓斜削兩頭而中分之曰木口各藏半以爲信有事投人亦用木口聲明急則束炭及雞翎於上諸峒畢至

獠人不知醫最畏痘疹有染者置空屋中聽生死

獠俗多禁忌自二月早粟播種凡粟本粟穗俱不敢焚燒謂之禁苗至七月初二日邀集數家各備雞楮延獠巫祭祖及始爲飲食之人謂之解苗於是弛禁獨蒲楊二姓以九月爲解苗而劉姓獨有禁忌十一月蒸酒甯土中家家鳴鑼曰鬧年至臘月不鳴鑼不蒸酒除夕始無忌正月乃出甯酒祭而後飲

沿邊廳縣風俗

沅陵清水塘拱勝坪一帶與永順乾州接界民風樸直性勤稼穡刀耕火種終歲勞苦知務本業不貿易逐利間出桐油五倍子諸債亦多外客販買風俗頗爲近古然生計苟簡家設火牀女子跣足耕樵又地近苗佬猩猩麋雜處偕其同隊作鄉語無一字可識唔伊之聲往往皆是

瀘溪一邑山多田少懸崖陡壁皆栽桐榆菽粟農民刀耕火種三四月時斫雜樹本舉火燔之名曰剝畚火熄乃播種其獲恒倍瀘溪澗及大河峴上田始種稻所產穀不足供一歲之食必

仰給旁邑高坡側壤廣植蕎麥包穀高粱糠子諸雜糧山地確
確畏旱頻雨則稔山農所資不專以麥禾爲豐歉也耕作最勤
無田則傭工取給歲歉入山採蕨葛根漉粉充食比春作復還
其家焉山農依田結廬縛茅覆板室中不用厨竈惟設火牀晝
則炊飯夜兒女團坐向火取煖民風儉樸敬官長畏刑罰在仄
穉爲良矣

瀘溪所轄村庄在大河東所者不過百分之一二耳本與乾州同
治故西北南三面處處與苗寨毗連民間於耕種而外尤以防
苗爲重大約自大小章犵狫而外六保及附城後山歐溪一帶
地勢險固人多習險健鬪軍興時募充鄉勇守卡打仗俱極得

力若四都之上廣都里一帶五都之合水晒竹田各處地頗寬
厥水田甲於本邑而其民多在浦市工作漸染市氣脆弱而詐
遇有小警輒爭先辟竄不足恃爲藩蔽也

浦市爲上游大市鎮饒油鐵白蠟諸貨各省行商多停泊於此舊
誌稱其有淫巧靡靡之習奸訟悻悻之風五方雜處良莠互出
勢所難免然其土著之家敬畏官長遇有差役踴躍急公樂爲
輸將客民久住於其間者亦然尚義如城堡大工不上糜
國帑此則風之可嘉者矣

辰溪山多田少刁耕火種民勤稼穡服食簡樸有桑榆蟋蟀之遺
大河西岬童山上保一帶地勢阻深風氣勁勇耐勞習儉頗與

瀘溪之六保歐溪相類遇有苗警各村互相應援設卡伏路守望相助故瘡苗屢竊終能自固民風之最厚者

麻陽民風質樸勤於稼穡上里之石橋西坡石龍龔溪四水附近西晃山泉源長而坡塘修頗饒米粟擬諸芷邑之西流鄉下濟浦市瀘溪諸處沿辰河西岸居民習溪河灘溶庫篷輕舸運載貨物所在皆是故辰沅諸大小船通謂之麻陽船船戶既多往來市鎮沾染習氣良莠雜見不盡如往時淳樸矣

麻陽風俗勁強縉紳之家知急公尚義遇他郡人談鄉先達滿太僕軼事娓娓不倦沿河西岸與鎮黔苗寨毗連稍有蠢動麻邑不免風鶴驚然其人耐勞習險嫻技健鬪又生長邊徼慣見椎髻持鎗之衆亦無所畏往往團鄉勇集丁壯捍衛梓里故自軍興以來麻邑士民實力最多

乾州民務本力農黜浮景樸頗有唐魏遺風蓋亦瘠土好善之徵也但其地自廳城外西北皆生苗寨落邊牆內民村稀少視苗寨僅十之三四雜以土人狃狃廳民土著其間者質脆弱一遇邊徼有事輒棄廬舍先自潰散鼓衰靡之氣成義勇之風俾之衆志成城共相守禦是所望於良牧善爲激厲矣

鳳凰廳民天性樸魯冠服食物患陋不患奢所居皆依山結廬縛茅覆板聊蔽風雨屋前舍後卽係猪圈牛欄人家鮮有厨竈惟設火床晝則炊飪夜則向火圍坐刀耕火種男婦終歲勤劬間

有出外貿易者不過挾微貲謀蠅頭而已民地逼仄不逮苗寨
三分之一而黃羅寨水打田一帶民風勁悍耐勞習險每與苗
角差能自固

永綏廳人民俱內地遷入者家計淡泊饔飧不給歷年買土開墾
漸覺充裕崇尚樸素不事浮華但負性剛勁鼠牙雀角聚訟公
庭逞氣輕生相習不覺婚姻索財禮多者百兩少者數十金單
寒無力之夫竟至終身鰥居弔喪問疾祭祝令節隨家貧富以
為禮大約與辰沅風俗相近

永綏山多田少不產稻穀一遇陰雨城中不得米食南與松桃路
近松桃地宜稻於永綏南門建集松桃民挑至集場發賣路
三十里四五十里不等兩廳之民得其便

貴州思州府地瘠民貧風多愿樸都平屬後山苗地男人畧與漢
民相似女人多穿花裙婚姻不憑媒妁姑家之女必字舅氏不
論男女長幼名曰酬婚否則訟鬪紛起

黃道溪司正長官二員印一顆自明以來黃劉二官輪流掌管施
溪長官司正長官一員印一顆自明以來劉姓掌管二司地界
毗連與銅仁麻陽接壤密箐崇山民苗雜處黃道所轄土民極
馴附近鹿隆山明時聞有跳梁施溪土民亦馴而川楚奸匪往
往流徙其中土民愚而客民詐將欲寧人息事當以詰姦禁暴
為亟亟

銅仁省溪提溪烏羅平頭四土司民苗雜處人多好巫信鬼然農
勤稼穡力田務本近城土知向學絃誦不絕生聚教訓尚取古
法兼之舟楫可通商旅所集風景猶類中州近日人文振起彬
彬禮樂之鄉黔東諸郡此爲秀美

四長官司地民苗雜處崇崗複嶂地俱阻深其民土雖過於樸儻
而風俗頗馴無桀驁難制之習惟毗連苗寨稍有蠢動易生驚
擾苗防種類之勾牽客民奸匪之煽惑導其愚而防其奸永安
耕鑿矣

馬伏波駐軍時以地多瘴合茗葉菜萸芝麻鹽米研爲湯名五味
湯黔楚邊民尚沿其舊

酉陽舊爲土官冉氏地乾隆初宣撫冉元齡老病二子廣烜廣杰
赴省爭襲土民列其貪暴狀事

聞改流設酉陽州其地籓籬四洞襟帶五溪州治卽土司舊址前
後皆阻山面臨澗水蓋西南奧區也

酉陽地雜蠻夷家自爲俗重巒疊嶂土少石多雖終歲勤劬不免
鹵莽以報後溪龍籌諸處頗有水澆灌至小大白甲與大板營
香樹壩等處俱高山中種包穀穄子各雜糧地瘠民貧生計苟
簡有不得不然者

上下龍洞等十八洞俱往時苗寨言語侏離短衣跣足裝飾與黔
苗相類而寨落稀疏散其同土民雜處者風俗與土民無異性頗

古... 卷九
馴善無黔楚各苗獷悍之風

秀山本四洞長官司地其官長皆楊姓爲之乾隆元年酉陽改土
邑梅楊再相石耶楊再鎮平茶楊正樂地壩楊勝均相率獻土
因設縣治並割酉之晚森南洞九江苗江小江日旗月旗諸里
益之其地皆土人村舍惟東之洪安汛南之操木山與松桃永
綏接界間有零星苗寨

秀地山川明麗人物都雅土著之家絕無獠蠻氣習士勤咕嚕能
文章每歲生童與州合考數少於州而歲科所入過之其地秀
其人亦秀名曰秀山良不誣也

秀邑之中歲時伏臘冠婚喪制其禮簡其費儉與州治同而耕讀
之外不通子母故民不甚貧亦不甚富所宜禁防者地與苗隣
附近居民易通交際往往乘機鼠竊追捕無踪惟賴文武官員
設卡會哨立之防焉

論曰書載舜攝政之初四罪而天下咸服三苗其一也當堯
天下之時苗蓋負固不服及禹受命總師二帝相承六十餘年從
欲以治四方風動天下不復有寇賊奸宄矣而苗民逆命猶
勞徂征蠢爾蠻民何易蠶難靖如此也竊嘗深究其故苗人
種類繁多分處溪洞間地勢阻深人跡罕到文字不通爲聲
教所難及故雖以二帝之聖欲其革面洗心必遲之又久而
後能也我

苗民傳習風俗
朝

重熙累洽

聖聖相承九夷入蠻罔非聲教所被舉從古負固之苗疆建郡縣設學校漸摩以仁義陶淑以禮樂雍雍乎道一而風同矣一二不逞之徒自外生成跳梁谿谷之中

天子震以武功敷以文德不旋踵而胥就戢寧數千寨落慕化投誠依然與我齊民無異緩之斯來動之斯和詎不信哉茲將苗之爲紅爲黑爲花爲青脚爲白脚與寨落之析居廬舍之殊制衣服飲食之不同性情言語之各異及土犵各種似苗非苗者一一縷分而詳誌之庶覽者知苗民若此之詭異頑愚而成就轡銜當益憬然於我

國家之功邁唐虞者盡懷柔之道宏覆載之恩不以異類區視深仁厚澤有以沁入苗民之心脾也從此人道化成移風易俗苗且盡良氓矣至各種自周漢至宋元專號曰蠻而由明以來又專曰苗總之苗蠻一也他書有置喙者可存而不論云

大德長行節各訊

十九日湖南永綏廳黃瓜寨苗石三保鳳凰廳鳴保寨苗

重熙累洽

聖相承九夷入蠻國非聖教則蠻蠻從古資國之苗疆建朝

六

以來又專曰苗蠻之苗蠻一也此書亦置刺昔何齊而不歸
谷苗且盡夏所矣至谷蘇自周蕞至宋元專謂曰蠻而由
宋二單單亦以苗人苗另之心觀也此苗人苗外風風長
國宋之世觀專與清盡刺宋之苗空蠻肆之恩不以異朕國
思而如掠野計當益計然也

苗防備覽師旅考

商頌曰撻彼殷武奮伐荆楚周雅曰蠢爾蠻荆大邦為讎蠻性
獷悍為邊患久矣入我

朝以來向化者已百年乃復不安耕鑿弄兵潢池顧其地在三省
腹裏未可置之度外調兵七省轉鬪千里自乙卯正月用師至
丁巳二月而大功告竣其間始事顛末及勦撫機宜不可以無
傳也作師旅考

乙卯乾隆六十年正月十三日貴州大寨苗石柳鄧糾眾滋事陷
大塘長行舖各汛

十九日湖南永綏廳黃瓜寨苗石三保鳳凰廳鴨保寨苗吳隴

苗防備覽師旅考

卷十

登蘇麻寨苗吳半生乾州廳平降苗吳八月糾眾滋事永綏保靖各苗寨俱應之

二十二日湖南鎮守總兵明安圖永綏協副將伊薩納勦苗至排打叩被害永綏廳同知彭鳳堯巡檢丁光國戴文煥等俱死之苗攻鎮守城及乾州城

二十四日苗陷乾州城署同知宋如椿巡檢江瑤外委王鳳翔及紳士原廣東遊擊王乙魁荆門州學正饒得豐等俱死之日沅州協都司張得勝帶沅州兵二百名馳救鎮守城沿途伏路苗入城固守

二十七日大學士雲貴總督公福康安統雲貴大兵由雲南進

討叛苗

二十八日麻陽紳士滕家瓚等倡義捐貲募鄉勇數百人擁護高村等處大路

二月初一日苗焚浦市掠貴州之平頭四十八溪四川之龍圖石隄等處平頭司吏目施錦死之湖南之花園得勝營里耶各汛俱失陷銅仁正大營外委張文錦嗅腦汛守備黃上達憑城固守

初二日湖南巡撫姜晟馳至辰州分兵援守瀘溪保靖各汛貴州巡撫馮光熊貴西道張繼辛馳至銅仁提督彭廷棟總兵珠隆阿按察司使西成帶兵進守正大營

初四日湖廣提督劉君輔帶兵進鎮寧城

初十日湖南永州鎮總兵蘇靈帶兵進鎮寧城

十二日湖廣總督福寧由武昌至辰州調集湖廣諸軍前赴鎮

寧偕提督劉君輔擊撲城苗匪連破之

十三日四川總督和琳統四川諸軍由雅州進討叛苗

十四日大學士公福康安帶安籠鎮總兵花連布雲南按察使

司江蘭曲靖府知府常明等督雲貴兵進銅仁府銅仁附近苗

寨詣營投降給良苗旂號賞頂戴銀牌

二十日大學士公福康安督兵援正大營殺苗百餘人正大營

圍解賞守城外委張文錦及兵勇難民有差

二十四日四川提督穆克登阿重慶鎮總兵袁國璜帶兵進秀

山縣

二十六日大學士公福康安督兵清正大營旁路攻克新寨後

洞紅花寨阿寨安靜關等處苗攻瀘溪縣知縣黃炳奎督鄉勇

人等憑城固守總兵袁敏參將穆克登額等帶兵救却之

二十七日四川總督和琳同大學士署四川總督孫士毅等督

兵進秀山縣

二十八日川兵擊邑梅司貴圖溪滋事苗匪却之

閏二月初二日大學士公福康安督兵二路前援嗅腦勦破沿

途之巖門寨地所坪搆皮汎麻州地洲泡水紅巖等處數十寨

生擒苗匪隴老七等十七名嗅腦圍解賞守城守備黃上達千

總汪連棟及兵勇難民有差苗頭貫百戶隴二保帶領蝦公均

十寨頭人隴老亥等諸營獻糧請降

初八日川兵攻破晏農苗匪生擒七名斬首百餘級又剿賊石

提司生擒二十名

初九日大學士公福康安督兵清洗嗅腦旁路剿破小新寨人

新寨固營寨蒿菜坪奔巖塘野牛山白巖壘等處擒苗匪吳老

東等百餘名奉

旨恩賞勦賊出力兵丁錢糧一月

十四日大學士公福康安由嗅腦督兵進援松桃剿破沿途之

馬乾溪苗匪由平所渡河進抵松桃城下諸軍奮擊苗匪潰散

松桃城圍解賞守城都司孫清元兵弁士民有差蝦公溪苗百

戶隴老蟒帶領喇叭尙廟灣等處苗頭三十餘人乞降共計投

誠六十五寨

十五日川兵三路勦破小塘坡大蠻坡洪安汎川河蓋各處苗

匪斬苗一百八十餘名直達湖南保靖交界之棚門小溪設大

小隘和計餘處令總兵袁國璜帶兵防禦秀山後路悉清

十九日大學士公福康安督兵疏通松桃往正大營舊路勦破

沿途老虎巖小龍塘麥地營各處苗匪設卡麥地營正大營南

路悉通

二十二日川兵三路進攻爆木山大破之生擒賊張士發等七
名割首一百七十餘顆進營爆木山

二十三日大學士公福康安督兵勦長冲卡落等處破柵十餘
處松桃西路各寨悉平與川師聲息相通

二十八日兩路大兵會攻苗首石柳鄧所據之大寨營雲貴兵
由施壩山前進川兵由爆木山前進東西兩路夾攻破之石柳

鄧遁去乘勝勦破大地眼水源頭牛角井楊家寨麻家寨等處
進營白菓壩是日兩路官兵共燒苗寨四十餘處拿活賊五十

一名銅松前後投降苗寨二百四十寨整兵進湖南永綏界提
督彭廷棟按察司西成雷駐正大營防範後路催督糧運

是月湖廣提督劉君輔帶兵解保靖圍進復花園前後斬苗首
百餘級奉

旨畢沅仍總督湖廣福寧調兩江總督楚督畢沅至辰州與巡撫姜
晟奏赦永順了家寨土人張廷仲廷仲之子榮炳糾合土人數

百名禦苗打仗頗獲首虜瀘溪武舉張尚林與武生李原玠團
練六保土人於瀘溪沅陵永順交界地方設卡禦苗屢有殺獲

沅陵紳士張大年等亦捐貲募鄉勇數百名設卡北河口防護
郡城

三月初五日大軍擊退永綏上石花苗匪諸軍渡河盡破河岸
賊柵進營下石花寨貴州苗降三百餘寨銅仁松桃後路悉清

十三日大營令總兵花連布等督兵二千五百名護送鄉夫一千名糧米五百石進援永綏

十四日兵分兩路攻土空賊匪沿途勦馬烈水田溪捍子寨野牛塘各寨會勦土空破之

十五日統領額勒登保總兵花連布督兵攻破沿途之梁冒溪進至水羊寨擊阻路苗大破之長驅至永綏城下勦破城外各

苗卡永綏圍解賞守城都司吳開泰經歷黃需訓導李烜及兵勇難民有差花連布帶兵扎城外山梁大軍進營芭茅汛

十七日湖廣提督劉君輔督楚兵由花園攻擺頭冲長坪馬沿途苗匪連破之進次小排吾總兵花連布督兵策應楚兵八承

綏廳

十八日提督劉君輔總兵花連布督兵勦永綏城附近白臘寨等五寨破之

二十六日提督穆克登阿統領額勒登保分兵兩路進攻蘭草坪苗憑險抗拒用大砲轟擊大破之苗潰散大軍進營蘭草坪奉

旨恩賞打仗出力兵丁一月錢糧是日都司施縉千總楊森等運糧遇苗攔截統領額勒登保分兵往援花連布劉君輔督兵策應勦退苗匪護糧入永綏

四月初三日統領額勒登保等克榔木坨提督穆克登阿等攻

克白臘山坨頭等侍衛綸布春總兵花連布帶兵由滾牛坡進
攻克臘夷等寨三路各有殺獲共生擒苗匪五十餘人大軍移
營榔木坨

初十日大營分兵由榔木坨老虎灣茶山坳頭劍坡五路會
攻苗首石三保所據之黃瓜寨

十二日勦破黃瓜寨石三保遁去焚賊卡五十餘處生擒賊目
隴老障等百餘名奉

旨恩賞打仗兵丁一月錢糧

十九日諸軍會攻鳳凰苗首吳半生所據之蘇麻寨

二十日統領額勒登保提督穆克登阿總兵達音泰知府常明
等勦破沿途之高水井大小臘耳山二十餘處會攻上下中蘇
麻寨克之吳半生遁往西梁寨擒賊目隴老虎等八十餘人諸
軍進營蘇麻寨

二十八日諸軍攻上下中西梁克之奉

旨賞綠營番屯各官兵一月鹽菜口糧

是月二十六七日江督福寧帶兵勦滋擾瀘溪四都苗匪由水
隴底江進至狗髻巖旋退回鎮筸總督畢沅巡撫姜晟招永順
龍鼻巖等處土苗數十寨俱詣辰州投誠

五月初五日大營攻克大新寨蜂筒寨等處大小苗寨六十餘
處諸軍進營大樹坡

十五日苗匪犯高村濫泥等處綠溪口守卡千總趙福力戰死
之

十六日苗匪復撲黃瓜寨卡提督穆克登阿擊却之提督劉君
輔帶兵由永綏北路接糧進次張坪馬遇苗力戰總兵袁國璜
提兵策應會攻苗匪却之移營隆團

二十四日大軍攻沙兜盤喇多喜等寨克之擒苗二十七名奉
旨恩賞兵丁一月錢糧

是月苗匪復撲鎮筰城江督福寧率永州總兵蘇靈鎮筰兵備
道余延良擊却之四川將軍觀成由平塊前至鎮筰荆州將軍
公興肇帶荆州駐防滿兵二千名亦前至鎮筰和同守禦總督

畢沅巡撫姜晟撫定乾州寨陽偉者等寨及永順保靖永綏西
北苗二百數十寨前後共撫定五百餘寨

六月初二日大軍擊撲營苗匪大破之擒吳老壩等進營盤基
均

十二日貴東道常明副將札隆阿勦賊板橙寨擒賊目吳老正
石老三等二十餘人總兵花連布勦破箬子坳滋事苗匪提督
劉君輔等擒苗頭麻章一石五觀送大營斬之

二十六日貴州提督彭廷棟卒於軍奉

總兵花連布為貴州提督

二十七日分兵三路會攻雷公潭破之擒賊目歐老保等十七

人

是月苗首石大貴等率乾州六十餘寨頭人詣辰州投降

七月初二日大軍破賊占哨營會江督福寧將軍公興肇將軍觀成帶楚兵夾攻大烏巢河大破之諸軍乘勝渡大烏巢河擒活賊隴老發等八十餘人大軍進營長營坡貴東道常明等帶兵勦破大烏巢河西岸銅岸夯柳等十餘寨擒賊七名湖廣提督劉君輔督兵勦破隆團附近之紀容米惹等寨永順協副將慶溥擊退古仗坪撲卡賊匪並獻首虜奉

旨賞大烏巢河出力及隆團古仗坪兵丁一月錢糧

初八日諸軍勦盛華哨壯冲苗屋場等處破之擒麻滿若吳老申等二十六人大軍進盛華哨

十四日總督畢沅奏令總兵袁敏等帶兵由瀘溪分道會攻乾州

二十一日大軍攻古長坪提督花連布分克狗腦坡上下猿猴等寨

二十三日諸軍克古長坪奉

旨賞打仗兵丁及屯練等一月錢糧

八月初十日大軍攻克隴巖等處進營楊柳坪奉

旨賞打仗奮勇兵丁查明給一月錢糧

二十三日大軍進營柳夯鳳凰之栗林排若等七十餘寨誦營

投降

是月總兵袁敏帶兵勦破瀘溪沿途滋事苗匪進至龍灘大營
檄總兵蘇靈由鎮草前往助之

九月初四日大軍進營碧雲山擊退馬鞍山撲卡苗匪寧潭知
縣傅鼐擒獲賊目隴喬六隴入會斬之

二十日諸軍會攻高斗寨大破之生獲首逆吳半生

是月總兵袁敏蘇靈由龍灘進營潭溪奉

旨打仗滿漢土屯兵普賞一月錢糧守卡護糧兵查明賞給半月錢
糧續調廣西兵並加

恩賞給一月錢糧

十月十二日大軍進攻苗首吳隴登所據之鴨保寨勦破沿途
大天星寨等處進營鴨保寨奉

旨賞土屯兵錢糧二千分

二十二日分兵四路攻破鴨保山外木城石卡十餘處佔據山
梁生擒賊目吳老引等二十二人斬之奉

旨打仗兵丁再賞一月錢糧

二十五日大營派湖南道清安泰總兵諸神保等押解首逆吳
半生獻俘京師

是月總督畢沅巡撫姜晟撫定瀘溪乾州犄犄瀘溪大章頭人
張子宏小章頭人張天運乾州溪口頭人張興通等率四十八

寨詣辰州投誠糾集壯丁聽候調遣

十一月初三日吳隴登率各降苗等誘擒吳八月於臥盤寨遣其子吳老觀詣大營乞降

初七八日吳隴登縛送賊首隴五觔隴老三等至大營斬之

十二日吳八月之子吳廷禮廷義糾平隆龍牙等處生苗數十人由高巖一路焚掠而來襲據鴨保寨兩大帥督諸軍擊却之十四五日吳廷禮等率平隆苗焚降苗寨楊進元偉者石上進下三岔坪吳廷舉寨落楊進元等詣辰州赴愬請隨官兵打仗報讎總督畢沅巡撫姜晟遣往潭溪營聽候調撥

十九日平隆苗犯浦市重山濫泥等處各防禦官弁督兵丁鄉勇拒却之分獻首虜

二十四日奉

旨打仗滿漢土屯兵並賞一月錢糧

二十八日雲貴總督勒保奉

旨前至大營共籌軍務

十二月初三日大軍進攻爆木營克之

初五六月諸軍連克八荆桃花等寨乾州鬼猴溪苗詣營乞降進營地良坡

初十日奉

旨滿漢土屯兵再賞一月錢糧

十三日勦賊普定寨生擒賊目廖老慕隴老西等四十餘人大軍進營高斗山

十八日大營分兵四路進攻擒頭坡驛馬洞兩河洲洞等處克之大軍進營五里牌

二十八日勦破賊匪於金嶺冲劇賊隴莽牛竄至游馬坨降苗隴老裸等擒獻大營磔之

丙嘉慶元年正月初一日大軍進營吉吉寨乾州大隴洞河沿寨斗角山巖尾坡九十九洞等苗寨千餘戶詣營乞降

十三日奉

旨打仗滿漢土屯兵及降苗打仗出力賞給一月錢糧

十五日奉

旨打仗兵丁一月錢糧後路防守兵丁一體賞給

二十二日總督畢沅前往湖北當陽

二月初二日奏調兩廣雲南四川兵二萬名來營協剿

初四日苗撲後路木樹汛等處總兵田永稠永昌府知府吳桂督兵擊却擒石六保等三十二人獻大營斬之

十一日督諸軍攻破壁多山苗擒賊目石老巖楊老隴等五十七人斬之磔吳八月於軍大軍進營壁多山

二十四日諸軍攻克高吉坨追賊至巴金灣連破之擒斬賊目石老宜等二十二

三月十四日永綏苗撲丁家坡瓦窰灣營卡提督劉君輔總兵
袁國璜督兵擊破之

二十三日分兵三路會攻納共山貴道山連破七星坡革坡等
處木城石卡乘勝進破長吉山茶山茨巖奪賊卡三十餘處奉
旨賞打仗旗營屯土兵一月錢糧

四月初八日大軍破賊結石岡分克牧牛坪竹石坪等七十餘
卡進營結石岡奉

旨賞打仗兵丁一月錢糧

十三日廣東總兵木騰額帶粵兵會總兵袁敏由大壁流進克
丑坨督兵入乾州界

十八九日大營分兵三路攻破息戟山望城坡得羅山等處苗
寨大軍進營火麻營巡撫姜晟調大小章土蠻與官兵夾攻苗
匪於楠木橋黃連山等處大破之乘勝渡河遂復河溪
是月苗首吳隴登詣營投降

五月十三日貝子大學士福康安卒於軍和琳繼總軍事湖廣
提督劉君輔宜昌鎮總兵張廷彥等分兵兩路會擒首逆石三
保於土蠻哄哄寨

二十日奉

旨賞新到廣東廣西雲南兵丁並查明此次奮勇打仗前次未得賞
給兵丁各賞一月錢糧

古
二十七
日派衡永郴桂道清安泰總兵朱射斗等押解首逆石
三保獻俘京師

六月初三日大軍破賊馬鞍山斬賊一百五十餘顆進營馬鞍
山

十四十五十六日大營分兵三路大破賊匪於尖雲山連破黃
連坡醜谷坡窩灰坡田頭冲三砲臺等處木城石卡七十餘處
盡燬乾州城外賊梁乾州城中苗匪悉遁諸軍乘勝追擊大破
之

十七日克復乾州廳大軍進駐乾州城奉

旨普賞打仗兵下一月錢糧

十八九日分兵勦散長灘村兩頭田包柳麥李坪等處苗匪

二十日提督穆克登阿勦破白臘寨擒賊十二名送大營斬之

二十一日諸軍設伏勦破撲卡苗匪斬首八十餘級擒賊十六
名斬之

七月初六七日大營分兵搜捕大莊小莊鴨溪大坡隴黃茅田
狗兒寨湯家寨吳家寨等處逸苗悉克之大軍進營大壩坪

十一日派花連布等策應河溪官兵總兵袁敏穆騰額帶兵進
至老巖屋兩軍相會乾州東路悉通

十七八日三岔坪苗頭吳麻五率本寨三百餘戶詣營乞降攻
退平隆燒苗寨擒賊目吳老三等六名割首級十餘顆雲貴總

督勒保湖南巡撫姜晟前至大營會籌善後事宜

二十七日大軍勦賊竹山坡大破之大軍進營竹山坡雲貴總督勒保前往威寧查辦黑猱

八月初六日諸軍奪強虎哨左右山梁

初九日諸軍大破賊匪於強虎哨斬首三百餘級勞神地母各寨詣營乞降大軍進營強虎哨

初十日湖南糧道成寧調補辰沅永靖兵備道調汀州府同知傅鼐補鳳凰廳同知

十二三日諸軍連克後坡新寨麻里灣等處大小賊卡十餘處十六日總兵袁國瓚等擒賊首石代騰解至大營

二十四日諸軍分擊蕭營寨茶葉坪墨斗溪天塘鋪等處賊卡俱破之

三十日太子太保宣勇伯和琳卒於軍

九月初一日領侍衛內大臣額勒登保巡撫姜晟等共總軍務督兵前攻苗首吳八月所據之平隆

初九日貴州提督花連布前往清溪

十三四日提督穆克登阿同候補道員陳蘭森等督兵勦永綏附近補林等寨破之斬賊首隴三章石老寨等

二十一日大軍進克黃土坡蒼茅溝賊卡

二十二日諸軍擊賊匪於興隆坪大破之連破社神堂乾溪老

強虎哨賊卡擒活賊二十七名梟賊首三百餘顆進營興隆坪
二十五日大軍攻克巖人坡提督穆克登阿等帶兵剿洞口苗
寨破之

二十八日大軍進克查口洞平頭梁羅家灣等處

三十日駐扎隆團總兵袁國璜擒賊目石必文送至大營斬之
諸軍擊苗大壩角破之大軍進營大壩角

是月巡撫姜晟奉

旨加總督銜

十月初四日平隆賊匪犯馬鞍山分兵擊却之

初五日廣州將軍明亮新授湖廣提督鄂輝奉

旨來營

初八日將軍明亮提督鄂輝前往後路各卡酌撤防兵赴大營
會剿

十七日大營分兵五路會攻平隆破之縱火焚吳八月廬舍戮

吳廷禮屍首平隆大寨平駐永綏提督穆克登阿同候補道陳

蘭森等督兵剿蜡夷苗寨破之擒麻老江等十一名割首級二

十餘顆永綏六里七里苗寨數十詣營乞降

十一月十二日分兵兩路進剿平隆附近之菜冲土買坡壺耳

巖麻狗坡等處俱克之奉

旨賞打仗兵丁一月錢糧駐隆團總兵蘇靈張廷彥擒始事癩苗石

八月石七月李老二劉七官等解營磔之

二十日大軍分兩路攻克馬頭山餘錦山等處賊卡奉

旨賞打仗兵丁一月口糧駐永綏提督穆克登阿同候補道陳蘭森

等督兵攻破田家坡打子坡巖板寨等處桐木知耳等寨詣營

乞降

二十六日都司葛士鳳傅朝林等勦苗鎮溪所斬首二十七顆

十二月初三日大軍攻克貴魚坡兩丫灣等處賊卡三十七處

擒吳老化等四十七名斬首一百五十三顆

初五日大營分兵四路會攻石隆寨大破之梟首逆石柳鄧於

陣擒其子石老喬並活賊一百三十九名斬俘無數

十五日吳八月之姪吳廷梁縛首逆吳廷義至大營乞降

十六日吳廷梁率降苗擒石柳鄧之子石老貫石老二並家屬

至大營

二十三日吳廷梁率降苗擒石三保之子石滿宜石老有吳隴

登擒獻石三保幼子石老五各逆家屬黨與俱捕獲捷

聞奉

旨封行營各帥爵隨征文武官弁陞賞有差賞吳隴登四品翎頂吳

廷梁五品翎頂打仗滿漢屯土兵俱賞兩月錢糧

二十五日大營分兵疏通鎮筵道路沿途曬金塘舊司坪算子

坪茶山各苗寨盡降大軍進營得勝營

二十七日大軍駐靖疆營香爐山釀水司門前等處花苗數十寨詣營乞降提督男鄂輝帶鳳凰同知傅鼐分兵巡至小鳳凰營各寨悉平奉

旨並賞兵丁一月錢糧土兵至四川省城賞給一月鹽菜口糧

嘉慶二年正月初二日派副都統阿哈保知府蔣繼煥押解首逆吳廷義石老喬等獻俘京師

初十日鎮算兵備道成寧督都司傅朝林等勦半冲苗寨擒獲吳八月之次子吳廷英吳廷玉降苗縛獻吳八月之孫吳石三保之兄石老晚石柳鄧之孫石老五並始事癩苗石花延石花保等百餘名至大營盡磔之

二月初二日大營分兵疏通乾州至保靖一路

初六日大軍會駐永綏提督穆克登阿夾攻巖寨沙子坳塘

古老等寨俱破之丁牛寨柳斗寨三十餘處詣營投降

初八日提督鄂輝帶兵由鎮算正大營達永綏將軍明亮帶兵自乾州至永綏會疏請

旨獎勵永綏城官弁紳士人民恩賞有差總督畢沅由襄陽赴辰州與提督鄂輝巡撫姜晟督畱防兵會辦苗疆善後事宜

四年九月鎮算右營舊司坪苗吳陳壽糾眾攻撲沿邊碉卡守備張奉千總周壽才先後戰死

十一月巡撫姜晟自湖北馳至鎮算親赴舊司坪同知傅鼐誘

擒吳陳壽誅之餘黨解散

七年貴州石隆上下潮各寨苗糾眾滋事鳳凰廳鷄籠蘇麻風桶三寨苗應之

四月黔兵勦石隆上下潮各寨均平之鳳凰廳同知傅鼐督兵勇會勦破鷄籠寨斬苗九十八級蘇麻風桶二寨縛通黔叛苗四十三名以降

十一年正月永綏廳丁牛寨苗石宗四巖落寨苗石貴銀糾眾滋事已彩破口漏魚豹腦白巖張架麻陽等十四寨苗應之總理鳳凰廳同知傅鼐督兵勇進勦連破丁牛巖落二寨附從之已彩破口等寨以次焚勦斬苗四百九十九級生擒首逆石宗四石貴銀並從匪一百四十三名誅之自是苗寨震讐永不敢生心矣

論曰三苗之爲患舊已顧其阻險安忍時時鼠竊邊隅非有竊號稱尊之心尤非有深謀遠慮行軍用兵之道也景惟我

國家開設六里及永保各府縣以一鎮一道任其事用兵祇數千

人詳述而千百寨落望風披靡罔不投誠請吏亦可知懷輯之

有方矣乙卯用師上相臨邊數省之連帥牧伯罔不身在行間而膚功未得遄奏何哉始則以搏象之力搏兔以爲功成指顧而無暇總全局以相圖繼則以孤軍深入後路綿長實有羝羊觸藩之勢雖地勢使然抑亦人謀之不臧矣諸將繼之平隆石

隆數陣戰功最著吳石諸逆成就殲俘家屬黨與罔不清淨庶足振軍聲而懾邊頑焉而當時以鄰省有事未暇窮極兵威鎮箠右營之曬金塘洞脚羊管冲一帶前營之毛都塘萬洛江三箭塘各大寨掠麻瀘撲鎮箠最爲凶悍而因其請降遂加羈縻旣未大加懲創遂至時懷窺伺勦則兵難續調撫則苗德無厭難填谿壑之欲辦畱防善後者實爲遺大投艱矣三載內張皇補苴於兵撤餉停爲邊敵抑鋒之計募鄉勇團土丁紮卡築堡心盡招徠而力竭堵禦始得浸就救寧此其鼓羣策羣力而盡瘁不遑者寧第矜戰勝之功已哉抑余更有說者永綏孤城當苗巢萬山中食用諸需仰給內地當建廳之始開松桃一路爲

苗西路屬貴州由乾州歷偉者高巖而抵廳爲東路由鳳凰歷長坪新寨而抵廳爲南路由保靖歷花園隆圍而抵廳爲北路皆本省所必取之境現在所爲安營設汛者惟花園一路矣東南二路俱以深在苗巢未暇清出聞本省大僚於諸軍會勦之時力請乘勢爬梳而當時竟以撤兵匆匆格而未行永綏之在區宇固爲黑子之著體石田之無用而旣已入我版圖則尺土一民皆

皇仁所軫念且其深據五溪腹裏於苗疆全局實爲扼吭拊背則躡邊釁未可輕啓而漸爲方畧設法疏通俾得有恃以守是尙不能無望於畱心邊防者

辰州協原設副將一員中軍都司一員左右營守備各一員千總四員把總八員凡爲官大小十六員又制外委千總把總六員額外委三員統轄馬兵九十名戰兵一百六十七名守兵六百四十七名分防弁兵皆在焉其抵折官弁養廉公費者不在其數隸常德提督轄

駐防沅陵縣北溶左營把總一員兵十三名協防葉口左營外委千總一員兵九名由協出東關水行共計卡塘焦溪塘九磯塘梅子溪塘楊家潭塘北溶塘洪溪塘麻布淇塘怡溪塘大晏塘清浪塘洞庭溪塘雲迴塘纜子灣塘麻伊泱甕子洞塘界首頂塘統水路十七塘每塘兵三名惟界首五名北溶則把總隨兵自辰州東門而北共計清平廟塘爆木埡塘竹坪塘馬耀水塘葉口大塘大北鄉頂凡爲陸汛五水汛一每塘兵三名惟大北鄉塘五名葉口則外委隨兵也統水陸及把總外委所駐爲兵八十九名

駐防沅陵縣烏宿左營把總一員兵十三名協防拱勝坪左營外委把總一員兵九名自辰州協出西關斜北水行計白田塘烏遠明溪塘共水汛三爲兵十一名自白田塘陸行計羅仙舖塘蓮花池塘施溪塘白竹菴塘龔家村塘白洋峒塘葛竹溪塘草潭大塘拱勝坪大塘共陸汛十一爲兵五十一名統水陸及把總外委所駐爲十四塘兵七十五名

駐防沅陵界亭驛左營把總一員兵十三名協防馬底驛塘左營外

委一員兵七名自辰州協出南關渡河而東共計長田舖灰窰舖
淘飯舖松溪舖白霧舖馬底驛塘楊保舖獅子舖馬鞍舖清捷舖
界亭驛塘官莊舖楊家舖頂塘統把總外委所駐為十五塘兵七
十二名

駐防沅陵船溪驛右營把總一員兵十三名自辰州協出南關渡河
而南共計辰陽驛塘苦藤舖清水舖仰溪舖麻溪舖楊溪舖垢葦
舖船溪驛塘散水舖乾溪舖皆沅陵地拾里舖縣前塘辰溪地統把總所
駐為十三塘每塘兵各四名為兵六十一名

駐防瀘溪縣城左營千總一員駐城兵十三名自辰州協出西關水
行共計津頭塘要溪塘窩坨灣塘小龍溪塘沅陵地秤鉞山塘統水
汛五自瀘溪城西進小河水行共洗溪塘能灘塘潭溪塘六保陸
塘統千總所駐為十塘兵四十二名

駐防浦市右營把總一員兵二十名協防龍潭冲外委一員兵七名
由瀘溪縣西水行共計白沙塘瀘溪地辛女塘白巖塘江東塘沅陵地
張家酒塘正溪塘修溪塘松溪塘辰溪地沙堆塘大江口塘嫩浦地茶
灣塘黃溪塘銅頂塘辰溪地統水汛及把總外委所駐為十五塘兵
六十八名

分防辰溪縣右營守備一員隨兵三十四名駐防山塘驛右營把總
一員兵十五名自縣城渡河而南共計石排舖寒岡舖山塘驛塘
寺前舖龍門舖中伙舖近泉舖大山舖塘統旱塘八由縣城西小

古 陽 傳 覽 營 汛 卷 十一 三
河水行共計潭灣塘石馬潭水塘二統水陸及把總所駐為十一
塘兵五十三名

駐防潯浦縣右營千總一員駐城內兵二十七名協防龍潭司右營
外委一員兵十一名共計底莊塘龍潭塘老菴塘及千總外委所
駐為四塘兵五十二名通計四縣水陸及各官所駐統一百有六
塘出防兵五百四十六名存本協兵二百有五名統實兵七百五
十一名

嘉慶元年奏移常德提督分駐辰州府城常德提督親標向設中左
右前四營額兵三千二十一名自提督移駐辰州奏將左營遊擊
一員守備一員千總二員外委三員額外一名兵七百五十八名
全數移駐辰州並將中右前三營內每營抽撥兵二百名共成六
百名再於三營內撥出千總一員把總二員外委二員另添設都
司一員作為提標後營一並移駐辰州以左後兩營為提督親標
原設之辰州協副將改駐乾州副將之中軍都司一員即作辰州
城守營都司城汛事件歸都司管理辰州原存城兵二百六十八
名合移駐之提標左營後營兵一千三百五十八名統共駐劄辰
州兵一千六百二十六名

新設烏宿營都司一員千總一員把總一員外委二員兵二百四十
三名合原駐兵七十七名共兵三百二十名本營駐都司一員把
總一員外委一員兵一百五十名 清水坪汛分駐千總一員兵

四十名 杜家寨汛分駐把總一員兵四十名 草潭汛分駐外

委一員兵二十名 今添 茲汛 拱勝坪汛分駐外委一員兵二十名

原設之白田頭羅仙舖烏宿塘蓮花池施溪白竹塘龔家村白洋

洞葛竹溪明溪塘共十塘每塘俱添兵作兵五名共五十名均歸

烏宿營都司管隸提督統轄

新設洗溪營守備一員千總一員把總二員外委四員額外二名兵

三百七十七名合原駐兵九名共兵三百七十九名本營駐守備一

員把總外委各一員兵一百四十名 能灘汛駐外委一員兵三

十名 今添 茲汛 潭溪汛駐外委一員兵三十名 大陂流駐把總一

員額外一名兵十九名 魚梁坳汛駐千總一員外委一員額外

一名兵一百名 以上各汛俱係新添均歸洗溪營守備管理隸

提督統轄

新設浦市營守備一員千總二員把總一員外委一員額外二名兵

二百名合原駐兵二十名共兵二百二十名本營守備一員把總

一員外委一員額外二名兵一百一十名 龍潭冲汛駐外委一

員兵三十名 四都坪汛駐千總一員外委一員兵八十名 以

上二汛四都坪係新設龍潭冲於舊汛添兵額均歸浦市營守備

管理隸提督統轄

瀘溪縣城守移駐提標左營守備一員把總一員外委一員兵二百

名將原設之千總改撥洗溪營內原兵十三名撥歸辰州城守營

以上辰州四縣除新添烏宿洗溪浦市三營迄瀘溪加添弁兵
外餘城守及水陸塘汛俱仍舊制

• 乾州協

乾州廳原爲鎮筸鎮左營分防遊擊一員守備一員千總二員把總
四員外委五員額外一名兵六百八十九名存城兵一百二十名
餘俱分防各汛嘉慶二年奏改分防乾州之鎮筸鎮左營爲乾州
協將原設辰州協副將移駐乾州今制乾州協副將一員中軍都
司一員守備二員把總五員外委六員額外八名增設兵八百二
十九名合駐乾州分防鎮溪所等汛三十六處兵五百七十一名
城內駐副將一員中軍都司一員千總一員把總一員外委一員
額外一名兵三百名 城南灣溪汛駐守備一員把總外委各一
員額外一名兵一百四十名 城西三岔坪汛駐千總一員兵四
十名 城南強虎哨汛駐守備一員把總一員外委一員兵一百
六十名 城東河溪汛駐千總一員外委一員額外一名兵八十
名 城南桂巖坡駐外委一員兵二十名 城西上庄園駐外委
一員兵二十名 城東田家園駐外委一員兵二十名 城北標
營坡額外一名兵二十名 城東小庄汛駐外委一員兵二十名
• 城東中巖屋汛駐額外一名兵二十名 城東張排寨汛駐千
總一員兵四十名 以上各汛或爲新設或於舊汛加添弁兵均
歸乾州協中軍都司管束

鎮溪所營舊爲千總汛地嘉慶二年將原駐乾州遊擊移防該地爲
鎮溪營遊擊一員把總二員外委一員額外一名兵二百二十名
分防城北喜鵲營汛駐守備一員把總一員外委一員兵二百
名分防鎮靖營汛駐額外一名兵二十名分防溪頭營汛駐
把總一員兵三十名分防良章營汛駐把總一員兵三十名
分防鴉溪汛駐外委一員兵二十名以上各汛均歸鎮溪營遊
擊管理仍隸乾州協統轄乾州一協新舊營汛十七處除原設官
兵撥安外實移駐副將一員增添都司一員守備二員千總二員
把總五員外委六員額外八名兵八百二十九名合原駐兵五百
七十一名共兵一千四百名分隸鎮溪營遊擊乾州協中軍都司
專理仍隸副將統屬歸提督總轄

乾州廳廳標把總一員額外外委一名兵一百名

乾州廳新設苗守備四名苗千總六名苗把總十三名苗外委二十
五名

鎮筵鎮

鎮筵鎮原設中左右前四營城內駐總兵一員中軍遊擊一員把總
一員外委一員兵一百七十二名爲鎮筵中營外尚撥左營把總
外委各一員額外一名兵一百一十八名右營把總外委各一員
額外一名兵一百一十四名前營把總外委各一員額外一名兵
一百一十九名共兵三百五十一名統計四營共駐城兵五百二

十二名左營兵分防乾州廳中營遊擊所轄駐城外守備一員千總二員把總四員外委三員分防蘆荻坳等二十三塘兵三百六十七名又分防麻陽縣千總外委各一員兵一百名右營遊擊所轄除駐鎮城外守備一員千總二員把總三員外委五員分防團魚腦等統二十六塘兵四百八十七名前營都司所轄除駐鎮城外守備一員千總二員把總三員外委四員分防老營哨等二十四塘兵五百一十名

嘉慶二年奏改分防乾州之左營爲乾州協新添巖門營爲鎮筵左營右前中三營亦抽安添兵 鎮筵城守兵原駐五百二十三名新添中營兵一百八十一名共七百七名駐扎本城分安城外

附近各卡 城東觀景山營卡駐千總一員兵四十名 城南冷風坳營卡駐把總一員兵四十名 城西大坡腦營卡駐外委一員兵三十名 城北播草坡營卡駐外委一員兵三十名 城東北沱田二坳營卡駐外委一員兵十九名 城西北青坪灣營卡駐額外一名兵十五名 以上六處共兵一百七十四名爲鎮筵城外保障實在鎮筵城內駐劄總兵一員中軍遊擊一員把總三員外委二員額外一名兵五百三十名

中營分防之鳳凰營駐中營守備一員把總一員外委一員額外一名兵二百二十名 分防城西落潮井汛駐把總一員外委一員兵四十名 分防鴉拉營汛駐把總一員額外一名兵三十六名

分防宜都營駐外委一員兵三十名 分防苜蓿冲汛駐千總一員外委一員兵七十名 以上四汛屬小鳳凰營守備管理隸鎮草鎮中營遊擊統轄共中營新添塘汛十一處新添兵一百八十一名合原駐兵九百一十九名共兵一千一百名歸於中營遊擊管理仍隸鎮草鎮統轄

鎮草鎮右營分防得勝營本營駐劄遊擊一員把總一員外委一員額外一名兵三百名 分防城北黃巖江汛駐外委一員兵二十八名 分防四方井汛駐外委一員兵二十名 分防黃土坳汛駐外委一員兵二十名 分防清溪哨汛駐千總一員額外一名兵六十名 分防靖江營汛駐千總一員額外一名兵六十名

分防高樓哨駐外委一員兵二十名 分防三腳巖汛駐外委一員兵三十名 分防舊司坪汛駐把總一員兵四十名 分防龍滾汛駐把總一員兵四十名 分防晒金塘汛駐右營中軍守備一員把總一員額外一名兵二百名統計新舊營汛十一處新添把總一員額外五名兵二百四十五名合原駐兵五百七十三名共八百一十八名歸於右營遊擊管理仍隸鎮草鎮統轄

鎮草鎮前營都司由長坪改駐廖家橋本營駐扎都司一員把總一員外委二員額外二名兵二百四十名 分防城西泉盛營汛駐千總一員外委一員兵七十名 分防樂豪汛駐守備一員把總一員外委一員兵二百名 分防櫻桃坳駐把總一員兵四十名

附近舊蒲塘駐兵十名 分防四路口汛駐千總一員外委一員
兵八十名 分防潭江汛駐把總一員兵四十名統計前營新設
營汛七處添把總一員外委一員兵一百零九名合原駐兵五百
七十一名共兵六百八十名歸前營都司管理仍隸鎮筵鎮統轄
鎮筵鎮左營由乾州改駐巖門營巖門向爲麻陽分汛麻陽塘汛二
十二處共兵一百二十六名嘉慶二年會籌添設大營設遊擊一
員守備一員千總二員把總四員外委四員額外二名兵六百六
十五名合原汛兵一百二十六名共兵七百九十一名本營駐遊
擊一員千總一員把總一員外委一員兵三百名

分防麻陽縣城左營遊擊中軍守備一員把總一員額外一名兵
二百名 分防縣北石羊哨千總一員外委一員兵六十名 分
防縣北蘆荻坳額外一名兵十一名 分防縣東高村汛把總一
員兵四十名 分防縣東濫泥汛把總一員兵三十名 分防縣
東太平溪汛駐外委一員兵三十名 分防縣東九曲灣汛駐外
委一員兵二十名 分防縣南齊天汛駐外委一員兵二十名
原設米沙小坡銅信溪江口龍家舖黃桑林袁坪陶伊迷河渡頭
龔溪石野南村共十三塘每塘兵五名共兵六十五名照舊安設
其蓬溪塘潭家寨白泥田三塘原設兵三名各添兵二名共十五
名統計新舊塘汛二十四處添兵六百六十五名合原駐兵一百
二十六名共兵七百九十一名歸於左營遊擊管理仍隸鎮筵鎮

統轄 以上鎮軍鎮總兵官一員統轄中右前三營新添巖門左
營一營共遊擊三員都司一員守備四員千總八員把總十九員
外委二十三員額外十四名共兵三千三百八十九名內除原設
官兵外實新添遊擊一員守備二員千總一員把總六員外委五
員額外九名兵一千二百名

鳳凰廳廳標把總一員額外外委二名兵一百名

中營苗守備三員苗千總六員苗把總十三員苗外委二十四員
前營苗守備三員苗千總八員苗把總十六員苗外委三十三員
右營苗守備四員苗千總六員苗把總十二員苗外委二十四員
共計鳳凰廳新設苗守備十員苗千總二十員苗把總四十一員
苗外委八十一員

綏靖鎮

綏靖鎮爲永綏廳花園汛地舊駐永協右營守備一員兵一百名嘉
慶二年以花園爲永綏咽喉重地奏添設總兵一員駐紮控制將
花園原駐守備及永協右營原管各汛千總二員把總四員外委
六員額外二名兵七百五十五名撥歸鎮標並將附近保靖營改
設參將一員卽將保靖營原駐遊擊改爲鎮標中軍遊擊添設都
司一員在隆團駐紮爲鎮標右營再添設守備一員千總二員把
總二員外委四員額外四名兵六百八十五名合原駐兵七百五
十五名共兵一千四百四十名駐紮鎮城並分安隆團各汛於花

古... 卷十一
園鎮城內駐總兵一員中軍遊擊一員千總一員把總二員外委二員額外二名兵五百名 分防鎮北臘耳堡汛駐千總一員額外一名兵六十名 分防河口汛駐外委一員兵二十名 分防鎮西涼水井汛駐中營遊擊中軍守備一員把總一員外委一員額外一名兵一百六十名 分防排樓寨駐外委一員兵四十名 以上四汛或係新添或就舊汛添俱歸花園鎮中軍遊擊管理 隸花園鎮統轄

鎮標右營都司分防隆團營本營駐都司一員千總一員把總一員外委一員額外一名兵三百名 分防鎮東張坪馬汛駐把總一員兵六十名 分防剛剛寨駐外委一員兵二十名 分防沙子坳駐右營都司中軍守備一員把總一員外委一員兵一百六十名 分防鎮西老旺寨外委一員兵四十名 以上四汛或新添或就舊汛添兵俱歸花園鎮右營都司管理隸花園鎮統轄統計新設花園一鎮分管新舊營汛十一處除原設官兵撥安外實移駐遊擊一員增添總兵一員都司一員守備一員千總二員把總二員外委四員額外四名兵六百八十五名合原駐兵七百五十五名共兵一千四百四十名分隸花園鎮中軍遊擊右營都司管理仍隸花園鎮統轄

永綏協

永綏協原設副將一員中軍都司一員左右營守備各一員千總四

員把總八員外委十二員額外四名兵一千四百七十九名駐劄
本城分防四十八塘嘉慶二年奏於永綏花園汛添設花園鎮將
永綏協右營弁兵並撥歸鎮城兵額之內永綏協中存左營原額
兵七百二十四名於是添設守備一員千總一員把總三員外委
二員額外六名兵五百一十六名合原駐兵七百二十四名共兵
一千二百四十名駐劄本城分安各汛現駐本城副將一員都司
一員千總一員把總二員外委二員額外二名兵五百名分防
城外西山梁營卡駐把總一名額外一名兵八十名城外北山
梁營卡駐把總一員額外一名兵八十名城外滾牛坡營卡駐
守備一員把總外委各一員額外一名兵一百六十名城北吉
多下寨汛駐外委一員兵五十名城北黃土坡汛駐千總一員
外委一員兵六十名城北董馬汛駐把總一員額外一名兵五
十名城西葫蘆坪汛駐千總一員額外一名兵六十名桿子
坳汛駐外委一員兵二十名分防城北小排吾汛駐外委一員
兵二十名分防鴨保寨汛駐守備一員把總一員外委一員額
外一名兵一百六十名以上各汛或係新添或就舊汛添兵均
歸永綏協中軍都司管理統計永綏一協分管新舊營汛七處除
原設官兵撥安外增添守備一員千總一員把總三員外委二員
額外六名兵五百一十六名合原駐兵七百二十四名共兵一千
二百四十名均歸永綏協中軍都司管理仍隸該副將統屬該協

由鎮筵鎮改隸花園綏靖鎮統轄

永綏廳廳標把總一員額外外委一名兵一百名

五里苗守備二名苗千總二名苗把總四名苗外委八名 上六

里苗守備一名苗千總三名苗把總六名苗外委十名 下六里

苗守備一名苗千總二名苗把總五名苗外委九名 上七里苗

守備一名苗千總三名苗把總四名苗外委八名 下七里苗守

備一名苗千總三名苗把總六名苗外委十二名 八里苗守備

二名苗千總三名苗把總四名苗外委十一名 九里苗守備二

名苗千總六名苗把總十五名苗外委二十六名 上十里苗守

備一名苗千總三名苗把總七名苗外委十六名 下十里苗守

備一名苗千總三名苗把總六名苗外委十六名共計永綏廳新

設苗守備廿二名苗千總二十八名苗把總五十七名苗外委一

百一十六名

保靖營

保靖營原設遊擊一員中軍守備一員千總二員把總四員外委四

員兵五百二十名分駐本城各汛嘉慶二年奏將保靖營遊擊撥

為花園鎮中軍遊擊另行改設參將一員增添把總一員外委六

員額外十名兵四百三十二名合原駐兵五百二十名共兵九百

五十二名駐紮縣城分安各汛現縣城駐參將一員中軍守備一

員把總一員外委一員兵二百名 分防城東二汛坡汛駐外委

一員兵二十名 城南叢桂坡汛駐外委一員兵二十名 城西
南龍頭山汛駐額外一名兵二十名 城西北烟霞山卡駐額外
一名兵二十名 分防城西北獅子橋營卡駐千總一員額外一
名兵五十名 城東北鰲溪汛駐把總一員兵四十名 城東北
集古汛駐外委一員兵三十名 城東北巖板橋汛駐額外一名
兵二十名 城東北梯拉汛駐額外一名兵三十名 城東之三
岔河汛駐額外一名兵二十名 城南古銅溪汛駐把總一員兵
五十名 城南新寨汛駐外委一員兵三十名 城東南格者汛
駐外委一員兵二十名 城東南塗乍汛駐把總一員兵五十名
城東魚塘汛駐額外一名兵二十名 城東葫蘆汛駐千總一

員額外一名兵七十名 城東積谷汛駐把總一員兵四十名
城東大巖塘汛駐額外一名兵二十名 城西亂巖溪汛駐外委
一員兵三十名 城西里耶汛駐外委一員兵三十名 城西江
口汛駐額外一名兵二十名 城西龍溪汛駐外委一員兵三十
名 以上各處俱就原設汛地添兵防守又舊設龍馬嘴塘誓溪
河馬老乎普戎昂崗扒木寨杉木樹白棲關巴惹堯洞排巖普溪
西落汛清水江塘桐油坪塘費崗河塘共十六塘汛兵七十二名
照舊安設統計保靖一營新舊營汛三十八處除原設官兵撥安
外實增添參將一員把總一員外委六員額外十名兵四百三十
二名合原駐兵五百二十名共兵九百五十二名均歸保靖營參

將管理本營由鎮草鎮改隸花園綏靖鎮統轄

新設苗守備四名苗千總九名苗把總十二名外委三十一名

古仗坪營 屬永順縣

古仗坪營向無營汛惟於附近之旦武營土壘坡龍鼻嘴山棗溪新寨五處設把總一員外委一員兵七十名分防嘉慶二年以該處為永保藩籬奏添設古仗坪營設都司一員千總二員把總二員外委二員額外三名兵四百名合原駐兵七十名共兵四百七十一名駐劄本營分安各汛現本營駐都司一員把總一員額外一名兵一百八十名 分防營東土壘坡汛駐把總一員兵三十名 分防營南旦武營汛駐千總一員兵四十名 分防營東龍鼻嘴

汛駐千總一員兵四十名 分防營西新寨汛駐外委一員兵二十名 分防營東南山棗溪汛兵十名 以上四汛就原設汛地添兵防守

分防營東黑潭坪汛駐把總一員兵四十名 分防營東曹家坪汛駐外委一員兵二十名 分防營東牀機坡汛駐外委一員兵二十名 分防營東南巖坳汛駐額外一名兵十六名 分防營東南排沙汛駐額外一員兵二十名 新設賣若塘半坡塘河蓬塘蔡家庄塘四塘各撥兵六名 以上永順協屬古仗坪營新舊塘汛十四處除原設官兵撥安外增添都司一員千總二員把總二員外委二員額外三名兵四百名合原駐兵七十名共兵四百

七十名仍隸承順協兼轄歸湖廣提督統轄

新設苗守備一名苗千總二名苗把總四名苗外委十二名

銅仁協貴州定章程銅仁本松桃協遊擊二年更松桃協仍舊添安銅仁協

銅仁協原設副將一員遊擊二員守備二員千總四員把總八員馬

兵二百名戰兵八百名守兵一千名共兵二千名副將駐松桃廳

遊擊二員駐嗅腦汛分防大塘汛正大營巖均汛芭茅汛太平寨

汛木樹汛構皮汛乾塘汛太平汛振武汛江口汛康金汛盤朶汛

麥地汛長冲汛卡落塘汛等處共兵一千七百五十名銅仁府城

存遊擊一員千總一員把總一員兵二百五十名嘉慶二年奏將

原駐銅仁城正大營官兵改歸松桃另為松桃協添設銅仁協副

將一員中軍都司一員左右軍守備各一員千總四員把總八員

外委十二員額外八名兵一千六百名駐紮本城分防各汛本城

駐副將一員中軍都司一員千總一員把總二員外委四員額外

六名馬步戰守兵五百名分防正大營汛左軍守備一員把總

二員外委一員額外一名馬步戰守兵三百名大興場汛左軍

千總一員外委一員馬步戰守兵八十名石峴汛左軍千總一

員外委一員馬步戰守兵八十名四十八溪汛左軍把總一員

外委一員馬步戰守兵八十名滑石營汛右軍守備一員把總

一員外委一員額外一名馬步戰守兵一百五十名施溪汛右

軍千總一員把總一員馬步戰守兵八十名施溪汛即漾頭場改

首領營 卷十一
名 川洞汛右軍把總一員外委一員馬步戰守兵八十名 江
口汛右軍把總一員外委一員馬步戰守兵八十名 以上八汛
惟正大營江口汛係舊汛添兵大興場等六汛俱係新設內施溪
汛係恩州府屬四十八溪汛係鎮遠縣屬因與銅仁毗連撥入本
協又銅仁至正大營江口汛原設各塘仍舊安設新設各汛亦添
安塘哨以相聯絡共計新舊四十塘各塘兵五名統計銅仁營新
添馬兵一百一十二名戰兵六百八十八名守兵八百名共兵一
千六百名均歸銅仁協中軍都司管理隸銅仁協副將統轄
銅仁府苗弁

銅仁府屬石峴等處一百一十六寨設苗守備一員苗千總五員苗
把總六員苗外委十員

銅仁縣屬川洞等處六十四寨安化縣屬陸堡等處六十四寨共設
苗守備一員苗千總三員苗把總四員苗外委四員
松桃廳苗弁

松桃廳坡東七汛共苗四百九十寨設苗守備四員苗千總十四員
苗把總三十員苗外委六十員 坡西七汛苗共三百四十五寨
設苗守備三員苗千總十員苗把總二十員苗外委三十八員統
計新設苗守備九員苗千總三十二員苗把總六十員苗外委一
百一十二員共大小苗弁二百一十三名

綏寧營 四川

首領在軍營
卷十一
綏寧營原設參將一員守備一員千總二員把總四員外委五員兵六百一十一名分駐西陽秀山兩城並分防各汛嘉慶二年川省善後事宜以秀山西陽地廣兵單奏請將綏寧營參將改為副將添設遊擊一員都司一員守備二員千總四員把總四員外委五員額外四名添兵八百六十九名合原額兵共一千四百八十名秀山城駐副將一員中軍都司一員管左營千總一員把總一員外委二員兵三百五十名分防城南平塊汛駐把總一員兵五十名城西南平茶汛駐外委一員兵三十名以上二汛係中軍都司兼管隸副將管轄
分防城東南迓架場營駐右營守備一員把總一員外委二員額

外一名兵一百五十名 城東洪安汛駐千總一員兵五十名 城東北峩容汛駐千總一員兵六十名 城北石提汛駐外委一員兵三十名 城東石耶汛駐把總一員兵四十名 以上四汛屬右營守備專理隸副將管轄
分防城南邑梅營本營駐守備一員把總一員外委一員兵一百二十名 城東南晏農汛駐千總一員兵五十名 城東南巴家汛駐把總一員兵五十名 城南濫橋汛駐外委一員兵三十名
以上三汛屬邑梅營守備管理隸副將管轄 原設貴圖石連溪口各塘俱仍舊制統計於原設五汛外加添六汛統計新舊守備二員千總四員把總六員外委一員除各塘原額不計外共兵

九百六十五名歸綏寧營中軍都司專理隸副將管轄
西陽營

西陽州原分綏寧營守備一員千總一員把總一員存駐本城分防
各汛嘉慶二年奏添設西陽營本城駐遊擊一員千總一員把總
一員外委一員額外一名兵二百五十名 分防大溪汛將原駐
州城守備移駐此汛計守備一員外委一員兵一百名 興隆坪
汛駐千總一員兵六十名 龍潭汛駐把總一員兵四十名 龔
溪汛駐外委一員兵二十名 統計西陽營中新舊守備一員千
總二員把總二員外委二員額外一名除原塘不計外共兵四百
七十名歸西陽營遊擊管轄 共計綏寧營西陽營新舊一十四

汛設副將一員遊擊一員都司一員守備一員千總六員把總八
員外委十員額外二名綏寧營分防城汛兵九百六十五名西陽
營分防城汛兵四百七十名并安各塘兵四十五名共兵一千四
百八十名隸副將管理隸四川重慶鎮總轄

部議鎮軍移安左前各營疏
為遵

旨會議具奏事嘉慶六年正月初三日內閣抄出祖之望等具奏鎮
軍鎮左營移安晒金塘中前兩營酌量互易一摺嘉慶六年正
月初二日奉

硃批軍機大臣會同兵部議奏欽此 臣等查湖南鎮軍鎮中左右前

共四營其左營遊擊守備原駐乾州續於嘉慶二年四月內經
原任總督畢沅等於苗疆添設官兵營汛案內奏准將乾州改
營爲協其原駐乾州之左營遊擊移駐巖門守備分駐麻陽今
據祖之望等奏稱鎮筵鎮所轄前右營各寨最爲兇悍現在苗
疆吃緊全在邊圍而右營所轄管沿邊地方計長九十餘里逼
近苗寨均關緊要該營遊擊一員守備一員原設弁兵八百餘
名續於嘉慶四年十月內經姜晟等奏准裁撥內地名糧八百
分添入鎮標於該鎮緊要處所分撥加增但以遊擊一員管兵
至一千五百餘名之多難以兼顧請將右營汛地自四方井起
由清溪哨至得勝營迤北之錫蜡樹止計程五十餘里仍歸右
營自錫蜡樹迤北之溝田起由晒金塘舊司坪至木林坪止計
程四十餘里改爲左營請將巖門左營遊擊麻陽守備分駐晒
金塘舊司坪其晒金塘原駐右營守備移駐清溪哨並於左右
兩營緊要隘口設汛防八處撥設把總一員外委一員額外四
名卽在於前撥內地名糧內撥兵五百二十八名分布安設其
巖門汛原係中營所轄請改爲鎮標中營後軍專設守備一員
帶同外委一員添放額外一名應設守備卽將分駐瀘溪汛之
提標左營守備撥駐巖門將浦市營守備改爲提標左營中軍
守備舊有塘汛弁兵悉歸左營管理其瀘溪地方將左營千總
分撥一員駐劄麻陽縣城改設千總一員該營原設兵丁七百

七十三名除撥赴晒金塘等處兵二百三十二名外尚有五百四十一名毋須另為添撥等語該撫等係按照苗疆緊要處所酌量地方情形隨時移駐自應如所請准其將右營之錫蜡樹等處改隸左營並將巖門左營遊擊移駐晒金塘麻陽守備移駐舊司坪其晒金塘原設右營守備移駐清溪哨巖門汛地改為左鎮中營後軍守備將分駐瀘溪汛之提標左營守備移撥巖門即以左營兼管之浦市營守備改為提標左營中軍守備其兩營緊要隘口應一其添設汛防移撥弁兵分守以聯聲勢而資控制至鎮筵中營遊擊駐劄鎮城而所管汛地轉在前營迤西管轄採訪均多不便該撫等請將中前兩營汛地互相更易並於鴨保洞等處要地另設小汛五處於前撥內地名糧內撥歸兵二百七十二名分佈安置亦應如所請將原任廖家橋之前營都司移駐鳳凰營原駐鳳凰之中營守備移駐廖家橋另設小汛五處撥兵安置各令其就近管轄以便差操統計各營共添撥汛防十三處所需員弁均於各汛內酌量改撥添放額外七名悉就額兵內挑補並未另添糧餉其應需馬匹係就各營額馬內調撥帶往至修理衙署及軍裝火藥庫房兵房各項應令該撫造具估冊揭送工部題明核辦其移駐各營應換關防劄付及撥調各營弁兵仍令該撫等另造清冊分別題咨辦理等因於嘉慶六年正月二十日奏奉

旨依議欽此

部議移安茶洞添設保靖營汛疏
為遵

旨速議具奏事嘉慶七年正月十五日准內閣抄出湖廣總督吳熊
光等具奏永綏廳協移駐花園茶洞一摺嘉慶六年十一月二
十九日奉

硃批軍機大臣會同該部速議具奏欽此欽遵於十二月初三日抄
出到部查例載設官分職原為因地制宜起見若今昔情形不
同該督撫自當隨時酌改庶於地方有益等因今據該督等奏
稱永綏一廳孤懸苗境無以示威且糧餉等項領運維艱種種

窒碍必須籌畫移駐等因自為因地制宜起見應如所請永綏
廳同知准其移駐花園地方教職經歷等官亦應准其隨同該
廳一併移駐花園其花園巡檢准其改為永綏廳知事駐劄茶
洞地方即以巡檢衙署抵給經歷居住隆團巡檢准其裁撤改
為鳳凰廳知事駐劄得勝營地方俱准其仍作為苗疆要缺在
外調補至奏稱永綏協地方俱係苗寨汛少兵單苗匪往往潛
出滋擾綏靖鎮標原管之茶洞汛沿邊臨河極為扼要擬即修
築石堡將永綏協副將移駐該處等語亦應如該督等所請綏
靖鎮原管之茶洞汛准其修築石堡將永綏協副將移駐茶洞
西南之八排寨起至老鴉塘止一城十汛原駐官兵一千二百

三十八員名准其全行撤出內撥派一千三十四員名於八排寨等十三處安設一營十二汛其餘官兵二百四員名准其撥赴保靖營安設老鴉塘躍馬卡等處作爲綏靖鎮汛地所有原設之牌樓剛剛寨等處官兵亦准其全行撤出於依棲三角巖等九處添設九汛並原設花園一堡及涼水井三汛共一堡十二汛安設本鎮官兵一千四百三十一員名並准於躍馬卡八處分設八汛作爲保靖營新添汛地共分駐官兵四百一十員名將改歸綏靖鎮之獅子橋汛原駐官兵撤出於該營後路各汛酌量抽撤共移駐官兵二百六員名其餘二百四員名卽於永綏協標內撥駐以上各官兵均照該督等所開清單於各鎮

協營內通融抽撥移駐毋庸另添糧餉如此擇要移駐與鎮等協營均在沿邊防守仍令該督等於各汛之中相度形勢添建礮卡互相守望有星羅棋布之勢且茶洞一處西則近接四川洪安汛南距貴州之松桃不過百二十里三省犄角相峙聲勢聯絡於川黔沿邊扼要更足以重撫馭而壯聲威其保靖營之獅子橋得勝坡躍馬卡三處原係保靖縣地方所有一切民事自仍歸保靖縣管理其永綏舊城准其交與苗弁駐劄仍令該督撫督率文武各官隨時妥爲防範再查本年六月十八日據雲貴總督琅玕奏黔省正大營等處沿邊一帶設立石礮一摺奉

硃批軍機大臣會同該部議奏欽此隨經_臣等奏明俟馬慧裕議奏
湖南移駐永綏廳協事宜到時再行核議在案今馬慧裕等既
經奏到所有琅玕奏請黔省正大營等處設立石礮之處另行
詳議具奏至均田設墾等事應令該督撫等分別題咨由戶部
核辦應建石堡兵房及文武官員衙署監獄倉廩并一切未盡
事宜該督等既稱另行分別題咨辦理應俟查辦到日再行核
覆所有_臣等酌議緣由理合恭摺具奏等因嘉慶六年十二月
初五日奏奉

旨依議欽此

論曰周官大司馬掌九法以佐王平邦國蓋兵可百年不用不
可一日不備也自來兵制以邊腹分多寡鳳凰乾州設廳因四
十二年撻伐之後苗民稽首投誠開六里定永保則苗民籲請
去暴歸仁以一鎮一道撫輯之兵不血刃而已入我版圖當時
見苗人之易於招徠也壓鎮之師雖比內地爲厚而防維之計
已較邊土爲疎查自三廳外楚之麻瀘沅永保黔之銅松蜀之
酉秀與苗毗連者周遭近千口五百里而楚兵不踰五千黔兵
二千蜀兵六百餘

聖天子軫念邊防當用兵之際卽屢降

詔書諭以戡定後酌量添設兵額各當事遵奉

睿謨是以於會籌善後事宜移提軍兼駐辰州綏靖新設總兵乾州

保靖巖門俱立大營古仗坪浦市洗溪之屬莫不因地增防而
黔蜀亦增設銅仁秀山二協焉竊嘗論辰州當五溪六詔之衝
下蔽常長兵威雄盛戢奸徒之窺伺誠安邊大猷矣花園本蠻
疆輿區內爲生苗門戶外爲土人藩籬大營開設旣與永綏聲
息相援亦可使施永各土望軍府而震疊而乾保各營與二鎮
聲勢聯絡如車有輔如馬有驂黔蜀諸營碁布星羅更足增楚
軍犄角之勢自是苗疆兵制稱大備焉雖然古之名將嚴斥堠
鳴刁斗雖敵所未至而常嚴警備又必以時訓練鼓其義勇嫻
夫步伐庶可臨機決勝也則於軍制大備之後嚴飭偏裨使三
軍之士咸有勇而知方是所望於秉麾而臨衆者

